



## **Informacija o stanju vodostaja na vodnom području rijeke Save u FBiH**

Sarajevo, 30.3.2018 u 15:00 sati

"Agencija za vodno područje rijeke Save" Sarajevo nastavlja da vrši pojačano praćenje vodostaja na svim vodotocima na vodnom području rijeke Save u Federaciji BiH.

Na svim vodotocima na vodnom području rijeke Save u Federaciji BiH kao i na samoj rijeci Savi vodostaji su u stagnaciji i blagom opadanju. U zadnja 24 sata vodostaj na VS Slavonski Brod i VS Slavonski Šamac je opao za 10 cm.

Zaštitni vodni objekti su u stabilnom i funkcionalnom stanju, o čemu se brinu pravni subjekti koji provode mjere aktivne odbrane od poplava na području Posavskog kantona.

Zbog smanjenja nivoa vodostaja na vodomjernim stanicama Slavonski Brod i Slavonski Šamac, Glavni rukovodilac odbrane od poplava za vodno područje rijeke Save u Federaciji BiH je donio Rješenje o proglašenju prestanka vanredne odbrane od poplava na poplavnom području Odžačka Posavina. Mjere redovne odbrane od poplava na poplavnom području Odžačka Posavina i Srednja Posavina su na snazi.

U Agenciji za vodno područje rijeke Save i dalje se u okviru redovnog dežurstva obavljaju sve aktivnosti na praćenju i obavještavanju o trenutnom hidrološkom stanju, a sve u skladu sa Federalnim operativnim planom odbrane od poplava (FOP).

Agencija za vodno područje rijeke Save će zbog aktuelnosti situacije i u narednom periodu kontinuirano vršiti praćenje i obavještavanje o stanju vodostaja na vodotocima na vodnom području rijeke Save u FBiH.

Odjeljenje za informacijski sistem voda  
Dežurni centar